

p. 4 L. 1~7【五十二位】天台宗依《瓔珞本業經》，於別教所立菩薩位次。

【五位】唯識宗所立大乘五位，不立十信、等覺：

- (1)資糧位：十住、十行、十回向，以福德、智慧為助道資糧。
- (2)加行位：煖、頂、忍、世第一，由福智資糧加功用行而入見道，住真如性。
- (3)通達位：亦名見道位，初地菩薩體會真如，智照於理，得見中道。
- (4)修習位：修道位，第二地至第十地菩薩，得見道已，為斷除障，復修習根本智。
- (5)究竟位：妙覺佛，證此位，最極清淨，更無有上。

《教觀綱宗》卷 1：十信位，先仰信中道。且用生滅因緣觀。伏三界見思煩惱。故名伏忍。十住名習種性(研習空觀)，用從假入空觀見真諦，開慧眼，成一切智。行三百由旬。證位不退。初住斷見惑，七住斷思惑。十行名性種性(分別假性)，用從空入假觀。遍學四教四門，斷界外塵沙。見俗諦，開法眼。成道種智。十向名道種性(中道能通)，習中觀，伏無明。行四百由旬。居方便有餘土。證行不退。十地聖種性(證入聖地)，初地名見道位，以中道觀見第一義諦。開佛眼，成一切種智，行五百由旬。初入實報無障礙土，初到寶所，證念不退。得無功用道。隨可化機緣，能百界作佛、八相成道，利益眾生。…(地地)各斷一品無明。證一分中道。更破一品無明。入等覺位。等覺性(去佛一等)，亦名金剛心、一生補處、有上士。妙覺性(妙極覺滿)，從金剛後心更破一品無明，入妙覺位。坐蓮華藏世界七寶菩提樹下、大寶華王座，現圓滿報身(量同塵刹、相好刹塵)，為鈍根菩薩轉無量四諦法輪。(T46, p. 940, c1-p. 941, a9)

六即	觀行即	相似即	分證即	分證即	究竟即
五位	資糧位 (外凡位)	加行位 (內凡位)	見道位	修道位	究竟位
別教	十信(伏三界見思煩惱，名伏忍位)	初住(斷見惑，得位不退)、7住(斷思盡)、8~10住(斷界內塵沙。十行(習假觀，斷界外塵沙)。十迴向(習中觀，伏無明)，居「方便有餘土」。	初地(初入實報無障礙土)、二地~十地(地地各斷一品無明，證一分中道。)	等覺(更斷一品，入等覺位，名「金剛心」，亦名「一生補處」)	妙覺(更破一品無明，入妙覺位。坐蓮華藏世界七寶菩提樹下，現圓滿報身。)

圓教	五品位（圓伏五住煩惱）	初信位（斷見惑）、2信~7信（斷思惑）、8信~10信（斷界內外塵沙惑盡）	初住位（斷一分無明，居「實報無障礙土」，念不退）。2住~10住（斷一分無明證一分法性）、初行位（與別教等覺齊）、二行位（與別教妙覺齊）、三行~十行、十迴向、十地（別教人不知名字）	等覺（更斷一品無明，此是一生補處）	妙覺佛（進斷一品微細無明，永別無明父母，居「常寂光淨土」）
-----------	-------------	--------------------------------------	---	-------------------	-------------------------------

p. 4 L. 16【清涼五種】《大方廣佛華嚴經疏》卷 56〈39 入法界品〉：「上就所念辨異。…二十一者。蓋略說耳。然約能念心不出五種：一緣境念佛門。念真、念應。若正、若依。設但稱名。亦是境故。故上諸門多是此門。二攝境唯心念佛門。即十八、十九二門。十八即總相唯心。是心是佛。是心作佛故。十九雖隨我心。心業多種。見佛優劣故。三心境俱泯門。即前遠離念佛門。及不可見門之一分。及如虛空門。四心境無礙門。即如初門。雙照事理、存泯無礙。故云普照。五重重無盡門。即稱前第十門而觀察故。如微細等門。亦是此門中總意。」(T35, p. 924, b12-24)《圓通章疏鈔》：「緣境者。稱名觀像皆屬外境故。唯心者。依正相好唯是心作故。無礙者。雙照事理故。俱泯者。離相如空故。無盡者。於一切時處境念中。普見十身諸如來故。」(X16, p. 381, b9-12)

p. 4 L. -5【三昧、正思】元曉《金剛三昧經論》卷 1：「在定時，於所緣境審正思察，故名正思。如瑜伽言。三摩地者。謂於所緣審正觀察。心一境性故。問：定應是靜靜住一境。云何乃言審正思察？思察之用應是尋伺。云何說定為思察耶？答：若守一境即為定者。惛沈住境應即是定。若正思察是尋伺者。邪慧推求應非尋伺。當知思察有其二種。若通邪正意。言分別名思察者。即是尋伺直是分別。若唯審正明了緣境名正思察。正是定用而非尋伺。定通分別及無分別故。以審正簡彼尋伺。又住一境亦有二種。若住一境。惛迷闇昧。不能審察。即是惛沈。若住一境。不沈不浮。審正思察。是名為定。故以思察別彼惛沈。是故當知不以住移。簡別定散差別之相。何以故？捷疾之辯。雖速移轉而有定故。遲鈍之念。雖久住境而是散故。今此金剛三昧名為正思察者。無正不正。亡思非思。但為別於分別邪念。又不同於虛空無思。

所以強號為正思耳。三昧之名。略釋如是。」(T34, p. 962, a27-b16)

p. 4 L. -5【**正心行處**】《大智度論》卷 23〈1 序品〉：「秦言正心行處。是心從無始世界來，常曲不端，得是正心行處，心則端直；譬如蛇行常曲，入竹筒中則直。」(T25, p. 234, a17-19)得是三昧，心行正直，故名「正心行處」。

p. 4 L. -3【**念佛是一行別目**】《楞嚴經勢至圓通章疏鈔》卷 1：「一行別目者。有二釋：一謂萬行中一行。如諸經中或以真如、海印、德藏為三昧。或以如幻、語言、法界為三昧。或有緣、有相。或無得、無諍等。二即指念佛三昧。文殊般若經云：佛告文殊。欲入一行三昧者。應處空閒。捨諸亂意。不取相貌。繫心一佛。專稱名字。隨彼方所。端身正向。能於一佛念念相續。即是念中能見過去未來現在諸佛。念一佛功德。與念無量佛功德無二。若得一行三昧者。諸經法門皆悉了知。問：此教念佛。為念十方佛耶？為念阿彌陀耶？答：但念阿彌陀佛。以十二如來同名阿彌陀故。下云：攝念佛人歸於淨土。」(X16, p. 381, c19-p. 382, a5)

p. 4 L. -2【**諸佛現前三昧等**】《釋淨土群疑論》卷 7：「如花首經名一相三昧。文殊般若名一行三昧。觀佛三昧海經名觀佛三昧。賢護經名思惟諸佛現前三昧。」(T47, p. 73, b10-13)普等三昧：出《無量壽經》。普，普遍之意；等，齊等之意。同時普見一切諸佛之三昧。《阿彌陀經疏鈔演義》卷 1：「名念佛三昧者。執持名號故。一行三昧者。繫緣法界。專稱名字故。諸佛現前三昧者。一心功成。佛現其前故。般若三昧者。一心不亂。即大般若故。普等三昧者。一心功成。無法不攝故。」(X22, p. 725, b14-17)《圓通章疏鈔》卷 1：「約義配教。念佛，小也。般若，始也。佛現，終也。一行，頓也。普等，圓也。如理思之。」(X16, p. 382, a14-15)

p. 5 L. 3【**佛言**】《佛說灌頂經》卷 11：「普廣又白佛言：世尊。何故經中讚歎阿彌陀刹。七寶諸樹宮殿樓閣。諸願生者。皆悉隨彼心中所欲應念而至？佛告普廣菩薩摩訶薩：汝不解我意。娑婆世界人多貪濁。信向者少。習邪者多。不信正法。不能專一。心亂無志。實無差別。令諸眾生專心有在。是故讚歎彼國土耳。諸往生者。悉隨彼願。無不獲果。」(T21, p. 529, c6-14)《隨願往生經》，具名：《佛說灌頂隨願往生十方淨土經》，別名《普廣菩薩經》，東晉帛尸梨蜜多羅譯。佛說灌頂經之第十一卷是也。～《佛學大辭典》

p. 5 L. 5【**二人喻**】《圓通章疏鈔》：一專憶者：喻佛念眾生。一專忘者：喻

眾生不念佛。偶逢、偶見，故言「若逢」、「或見」。眾生不念佛，佛雖在眾生前，亦蹉過不見，故言「若不逢」「或非見」。佛專憶者，二種意：一者、佛有大悲願故。二者、佛在因地，尚於眾生念念不捨，何況果後更無餘事，則念眾生，慇懃懇切，無有加故。眾生專忘，亦有二意：一者、眾生無有信行願故。二者、生在迷位，纏惑業苦，人天因果尚不得修，何況佛果豈易得者？則念佛心沉埋隱沒，不能發故。二相憶者，喻生佛念同；眾生念佛，猶如佛念眾生相同也。二念深者，喻久憶不忘；時刻在懷、雖經年累月、乃至盡形、亦不忘也。能如是念，則決定時時常相見。從生至生不相異者，喻生生不相離也。同形影者，謂生佛世世不捨，猶如形影無乖違也。(X16, p. 382, c7-p. 383, a12)

p. 5 L. 7【**母子喻**】《圓通章疏鈔》：世間慈念最切者，莫如母親。子若悖逆、忘恩負義，母念或衰，心生悔恨。佛念眾生更過於母，逆惡重者，佛念愈深；乃至入於阿鼻地獄，代此眾生受無量苦。又母念子，慈止一世；佛念眾生，慈心無盡；世世相隨，無有退轉。故云佛念眾生，如母憶子。先喻單憶有離。子若下，後喻雙憶不離。(X16, p. 383, a20-b3)

p. 5 L. 8【**四字教詔**】《阿彌陀經疏鈔》卷4：「清涼大師云。高齊大行和尚。宗崇念佛。以四字教詔。謂信憶二字。不離於心。稱敬二字。不離於口。往生淨土。要須有信。千信即千生。萬信即萬生。信佛名字。諸佛即救。諸佛即護。心常憶佛。口常稱佛。身常敬佛。始名深信。任意早晚。終無再住閻浮之法。此策發信心。最為切要也。」(X22, p. 677, c12-18)《華嚴經疏鈔》卷85〈39 入法界品〉(T36, p. 667, a16-22)

p. 5 L. 10【**但念彌陀**】《圓通章疏鈔》：前言但念彌陀，云何此言十方如來耶？答有二意：一、即指彌陀一佛，有無量塵數分身無量壽佛。二、通指十方諸佛，憐念亦然，正顯佛佛道同故。觀經云：見無量壽佛者，即見十方無量諸佛。(X16, p. 383, b9-19)

p. 5 L. 10【**華嚴問明品**】《華嚴經》卷13〈10 菩薩問明品〉：「一切無礙人，一道出生死。一切諸佛身，唯是一法身，一心一智慧，力無畏亦然。」(T10, p. 68, c13-16)《華嚴經疏》卷56(T35, p. 924, a20)《大乘止觀法門》卷4：「一切諸佛常同常別。…一切諸佛身。唯是一法身。此即同異雙論。若一向唯同無別者。何故經言。一切諸佛身。一切無礙人。若一向唯別不同者。何故經言。唯是一法身。一道出生死。以是義故。真心雖復平等。而復具有差別之性。」(T46, p. 659, b28-c6)